

Newsletter Canada

Als chlini Vorinformation.

A de Redaktion Canada isch en Fehler unterlaufe. Mir hend vergässe de Newsletter vo endi Oktober z schriibe. Exgüsi. Mer werdet eu aber wiiter kompettent über Gschehniss informiere.☺

So und jetzt zum Bricht:

Düngerwuche

24.10 - 05.11

Natürlich gahts au ganz genau eso witer wies scho di letschte paar Wuche au gange isch. Mir sind nachwievor am Düngerä, wie di halb Wildä. Mir lönds eus nöd entgoh zum eu au es paar Details z verrote. Also wie gseit, hend mir Schicht gschaffet vom morgge am 06.00 Uhr bis öppis zwüschet 21.30-22.30 Uhr. Mit em Traktor 9520 (450 PS) händ mir de Flexicoil (60 ft. / 18.3m) und es Stickstofftänkli mit 5to Fasssigsvermöge zoge. D Arbetsgschwindigkeit isch zwüschet 5 und 8 mph (7.5 und 12 km/h) gläge. Das brucht au es bitztli Moscht, all Tag ca. 800l



Im gsamte sind mir 20 Täg am düngere gsi. Das git au Trakorestunde wie verruckt. Es sind ca. 320h xsi. I dene 320h / 20 Tag oder wie au immer hend mir 4500 acres (1200ha) düngeret. Zum soviel düngere bruchts au en huufe Dünger. Das sind ca. 420'000 lbs (ca. 200to) in öppe 53 Füllige.

D Sicherheitsvorschrifte sind speziel z'beachte. Es ghöret dezue spezielli Händsche, en Aazug, und obedruf na e Atemmaske. Das alles isch ersichtlich ufem Föteli. (de Aazug hend mir wegglah :-D) Flüssige Stickstoff isch so chalt das wenn mer das uf d Hut überchunnt verbrennts eim gad, es nimmt au de Surstoff weg das heisst s schnufe fallt sehr schwer bis mer nüme schnufet..... **ACHTUNG GFÖHRLICH!!!!**



Newsletter Canada

Ebefalls het au s GPS gschaffet. Links gseht mer s Display wo mir am (Straight Track) gradlinig fahre sind. Rechts gseht mer es fertigs Feld i de Vollaasicht.(nöd gad s' Schönschte womer händ)



Die beide wo nöd gad düngeret hend, die sind go kultiviere, Stei pickä, scrapä, oder suschtigi Arbeitä go mache. Selbstverständlich hets au wiedermol de einti oder anderi igsteckt mit em Traktor, so dass dejenig nüme selber zum Dreck use cho isch....

